



Terenga 5: Hōtaka 48 – Te raupapatanga o ngā momo pū

He Mihi

Tuia te rangi e tū nei, tuia te papa e takoto nei. Tuia te muka tangata e rangitāmirohia nei, e whiria nei i roto i te whare o Ako, e ita ai te taukaea o te aroha ki te reo kei roto i tēnā, i tēnā o tātou.

Hei Mahi Whakarongo

E whai ake nei ngā whakamahuki a Wharehuia e pā ana ki tētehi anō whakataukī mō te kai.

Anei ngā pātai hei whakautu mā koutou:

- 1) He aha pea ia e kore ai e kōrero hāngai atu ki te wahine?
- 2) He aha te tikanga o te 'pai kai'?
- 3) Ka pēhea tō whakarāpopoto i te momo tangata e kōrerohia ana, i tēnei whakataukī?

Kia rahirahi ngā taringa ki te kapo ake i te ia o te kōrero a te ipukarea o te whakataukī, a Wharehuia Milroy.

He Whakamārama

Anei tētehi raupapatanga hei āwhina i a koe ki te whakatakoto i ngā pū taunaki maha i roto i te rerenga kōrero kotahi. Mēnā e rua, neke atu rānei ngā pū kei roto i te rerenga kotahi, ka whāia te raupapatanga - mai i te taha mauī ki te taha katau. I te rārangi 'pūmuri kē' ka tīmata i runga ki raro. He whakamārama reo Pākehā e pā ana ki tēnei āhuatanga kei te whārangi 86 o te pukapuka, 'A Māori Reference Grammar' nā Ray Harlow.

pūtohu	pūanga	pūwāhi	pūmuri kē
kē	mai	nei	anō
noa	iho	nā	hoki
rawa	atu	rā	anake
tonu	ake	ai	koa
kau		ana	pea
			rānei

- a) Kei te kite **tonu nei atu** ✗ Kei te kite tonu atu nei au... ✓
e) Ko koe **anake rā kē** ✗ Ko koe kē rā anake... ✓
i) **Anō hoki** ko ia **nei noa iho** ✗ Ko ia noa iho nei anō hoki... ✓

He Mahi Ī-papa

Whakamāorihia te rerenga kei runga i te Īpapa:

Maybe it'll last a day, or perhaps it'll last forever.

Hei Mahi

Whakatikaina te takoto o ngā kupu kei roto i ngā rerenga nanu e whai ake nei:

1. mōu rānei Pētera hei ko haere kē hoa pea
2. pahi wehe te kua pea noa rā atu
3. anō tonu e whānau hoki mai te ana haere

Whakautu:

- Mahi Īpapa: Ka harore rangitahi pea, ka ora kē pea rānei mō ake tonu atu.
1. Ko Pētera kē pea rānei hei hoa haere mōu.
 2. Kua wehe noa atu rā pea te pahi.
 3. E haere tonu mai ana anō hoki te whānau.